

## Akisussaassusilimmik pisiortortarneq pillugu politikki

Atortussat Royal Greenlandimi atorneqartussat akisussaassusilimmik periuseqarluni sananeqarsimasariaqarput. Tamanna isumaqarpoq pisiortortarfiit ileqqorissaarnermi ileqqut nunani tamalaani atuuttut, soorlu meeqqanik sulisoqannginnissaq, naqisimanninnginnissaq aamma assigiinngisitsinnginnissaq, naapertorlugit kiisalu avatangiisinik eriaginnillutik tunisassiorartariaqartut.

Royal Greenlandip Naalagaaffiit Peqatigiit inuit piginnaatitaaffii pillugit nalunaarutaat 1948-meersoq, suliffimmi piginnaatitaaffiit tunngaviusut Nunani tamalaani sulisartut suliniaqatigiiffimmit (ILO) aamma Nunani tamalaani imarsiornermut suliniaqatigiiffimmit (IMO) immakkut angallannermi isumannaallisaanermik aamma mingutsitsinerup pinaveersaarnissaanik akisussaaffeqartumit saqqummiunneqartut tapersersorpai.

Aalisarnerup tuniniaanerullu annerpaartaa pilersorneqarpoq, tunisassiassalli, atortussat sullissinerillu suliffeqarfiup avataani pisiortortarfinniit nunani tamalaaniittuniit pisiortorneqartarput.

Politikki una Royal Greenlandip pisiortortarfinnik nakkutilliinermut suleriaasianut tunngaviliisuvoq, taannalu atorlugu pisiortorfiusartut sulisunut, avatangiisimut inuiaqatigiinnullu peqataaffigisaminnut sunniinerlunnertik annikillisillugulu sunniuteqarluarnerminnik annertusaanissaannut taamatuttaarlu iluanaarniarluni peqquserlunneq pillugu imminnut illersornissaannut piumasaqaateqarfineqartarput.

### Pisiortorfiusartuni ajornartoonissamik misissuineq

Royal Greenlandimit pisiortorfiusartut tamarmik pisiortukkat annertussusaat, suunerat suminngaanneersuunerallu tunngavigalugu ajornartoonissamik misissuiffineqartarput. Nunat pisiortorfiusut tamarmik indeks ataatsimoortoq Environmental Performance Index<sup>1</sup>, Human Development Index<sup>2</sup> aamma Corruption Perception Index<sup>3</sup> tunngavigalugit nalilersorneqartarput<sup>3</sup>. Pisiortorfiusartut sillimaffissanik naliliineq tunngavigalugu pingasunut agguataarneqartarput: sillimanartoqanngitsut-, akunnattumik sillimanartoqartut- aamma qaffasissumik sillimanartoqartut.

### Piumasaqaatit atoqquneqartut

Pisiortorfiusartut tamarmik Royal Greenlandip *Ileqqorissaarnermut najoqqutassiat pisiortorfiusartunut* atuuttut, pisiortorfiusartut Royal Greenlandimik niueqateqarniartut tamarmik eqquutsitassaannik piumasaqaatitallit, atsiussavaat.

### Pisiortorfiusartunut akunnattumik qaffasissumillu sillimanartoqarfiusunut piumasaqaatit

Pisiortorfiusartut akunnattumik qaffasissumillu sillimanartoqarfiusut sillimanartut annikillissinniarlugit nammineq nalilersuissapput pisiortorfiusartullu qaffasissumik sillimanartoqarfiusut inernerit tunngavigalugit illua-tungiusumit nakkutilliiffineqassapput.

Pisiortorfiusartut pillugit periuitsit soorlu SMETA(ETI) attuumassuteqanngitsullu allat nakkutilleeriaasii isertuaatsuunermut pitsanngorsaataallutillu sulisut avatangiiserlu pillugit suliffeqarfimmi pineqartumi ajunngitsumik ineriartuutaammata Royal Greenlandimit tapersersorpagut. Taamaammat sillimaffissanik naliliineq apeqqutaatillugu pisiortortarfiusut tunisassiorullu nunani qaffasissumik sillimanartoqarfiusuneersut suliffeqarfimmit pisinnaatitaasumit pingajuulluni attuumassuteqanngitsumit minnerpaamik ukioq allortarlugu nakkutilliiffineqartarnissaat siunissami piumasaqaatigiumavarput.

### Akisussaaffik

<sup>1</sup> <https://epi.yale.edu/>


<sup>2</sup> <http://hdr.undp.org/en/content/human-development-index-hdi>


<sup>3</sup> <https://www.transparency.org/en/cpi#>

Pisiortortartut Royal Greenlandimeersut tamarmik *Ileqqorissaarnermut najoqqutassiat Pisiortorfiusartunut* atuuttut naapertorlugit ileqqorissaarneq pillugu piumasaqaatit pisiortortarfinnut atuuttut ilisimassallugit akisussaaffeqarlutillu pisiortorneq sunaluunniit ileqqorissaarneq pillugu pisiortorfiusartunik nakkutilliinermi periuseq naapertorlugu ingerlattassavaat.


Akisussaassusilimmik pisiortortarneq pillugu politikki Royal Greenlandimi tamarmi atuuppoq.

Nuuk, ulloq / -2020

  
Mikael Thinghuus  
Pisortaaneq

  
Lars Nielsen  
Tunisassiornermi pisortaq

  
Nils Duus Kinnerup  
Aningaasaqarnermut pisortaq

  
Bruno Olesen  
Tuniniaanermi nittarsaassinermilu pisortaq